



DET KONGELEGE
KOMMUNAL- OG REGIONALDEPARTEMENT

KOPI

Bratt moro AS
Postboks 164

6851 SOGNDAL

Dykkar ref

Vår ref
11/1314-28 KRT

Dato

25 OKT 2011

**Statsbudsjettet 2011 - Kap. 552, post 72 Nasjonale tiltak for regional utvikling
- Tilsegn om tilskot på inntil 1 900 000 kroner til Bratt Moro AS, Møteplass
og kunnskapsbase for fjellsport og ekstremспорт - Bulyst 2011**

Tilsegningsnummer: 11203033

Vi viser til:

- Utlysning av bulystmidlar på www.regjeringa.no/bolyst
- Søknad frå Bratt moro AS, sendt frå Sogn og Fjordane fylkeskommune 18. mai 2011.

Kommunal- og regionaldepartementet (KRD) gir med dette tilskot på inntil 1 900 000 kroner til prosjektet Møteplass og kunnskapsbase for fjellsport og ekstremспорт i regi av Bratt moro AS, i 2011. Det kan ikkje påreknast ytterlegare medfinansiering til prosjektet frå KRD seinare år.

Målet med bulystsatsinga

Målet med satsinga på bulyst er å vidareutvikle kunnskap om korleis lokale og regionale utviklingsprosjekt skapar bulyst og attraktive stader. Dei 44 prosjekta som er valde har ulik innretning, ulike tema og stor geografisk spreing. Dette viser breidda og variasjonen knytt til omgrepet bulyst. Vi er opptekne av at bulystsatsinga skapar læring, merksemd og engasjement rundt lokalt og regionalt utviklingsarbeid.

Departementet vil oppfordre fylkeskommunane til å ta ein rådgjevar- og støttespelarfunksjon for dei utviklingsprosjekta som no får støtte gjennom bulystsatsinga. Vi ser fylkeskommunane som ein heilt sentral nettverksbygger og regional tilretteleggjar for lokale prosjekt. Med utgangspunkt i fylkeskommunane si rolle som regionale utviklingsaktørar er det naturleg at dei tek støttespelarrolla for

prosjekta. Vi ønskjer at fylkeskommunane inkluderer dei som har lokalt prosjektansvar for bulystprosjekta i sitt arbeid med regional utvikling.

Kompetansesenteret for distriktutvikling (Distriktssenteret) har ei sentral rolle i arbeidet med bulyst, både når det gjeld kunnskapsbygging og formidling. Prosjektansvarlege bør òg bruke www.distriktssenteret.no. Det er ein viktig portal for å finne erfarings- og forskingsbasert kunnskap frå andre satsingar og prosjekt.

Vi gjer dykk spesielt merksame på at Norsk senter for bygdeforskning har utarbeidd ein rettleiar i lokal samfunnsutvikling. Rettleiaren er utarbeidd som ein del av følgjeevalueringa av den nasjonale småsamfunnssatsinga, som blei gjennomført av KRD i perioden 2006-2009. Rettleiaren kan lastast ned via følgjande lenkje, <http://www.regjeringen.no/upload/KRD/LUK/Tegsloff/Vaktdetilokalsamfunnsutvikling.pdf>. Vi håper at rettleiaren kan kome til nytte i dykkar vidare arbeid, og papirutgåva er difor òg lagt ved dette brevet.

Erfaringsoverføring og læring er ein viktig del av bulystsatsinga. Representantar for prosjektet må difor vere villige til å delta i evalueringar og på eventuelle nettverkssamlingar for å presentere prosjektet og dele kunnskap. Kunnskapsdeling kan skje både mellom dei ulike pilotane, og frå pilotane til KRD og Distriktssenteret. Vi ønskjer at prosjekta skal vere synlege, både lokalt, regionalt og nasjonalt.

Mål for prosjektet

Hovudmålet er at prosjektet skal auke attraktiviteten til Sogndal og regionen, både med omsyn til trivsel, bulyst og tilflytting. Prosjektet skal arrangere månadlege fjellsporing, ein årleg Fjellsporfestival og ein årleg nasjonal konferanse lagt til Sogndal med fokus på fjellsporing og ekstremsporing. Det er formulert følgjande delmål for prosjektet:

- Skape ein fast geografisk møteplass for fjellsporinginteresserte personar
- Gjere lokal kunnskap på høgt nasjonalt nivå (Vestlandsforskning, HSF, Norsk Bremuseum) tilgjengeleg for folk flest
- Forsterke gode opplevingar gjennom bruk av digitale verktøy
- Leggje til rette for tiltak og infrastruktur som opnar fjellheimen for fleire grupper
- Vere ein pådrivar for bygdeutvikling i Sogndalsdalen/Sogndal og regionen elles
- Knyte nære band mellom etablerte aktivitetsverksemder og kunnskapsverksemder i regionen
- Nyttegjere oss av og vidareutvikla førarkompetansen som finst lokalt
- Greie å inkludere, involvere og engasjere unge med interesse for ekstremsporing/fjellsporing/friluftsliv som ikkje vert fanga opp av andre organisasjonar.

Kostnadsoverslag

Prosjektet har eit totalbudsjett på 8 000 000 kroner. KRD gir 1 900 000 kroner over kap. 552, post 72 i 2011, med einskilde føresetnader (sjå nedanfor). Følgjande budsjett ligg til grunn for tilskotet, for heile prosjektperioden fram til 2014. KRD gjer oppmerksom på at vårt tilskot gjeld fram til og med 2013:

Årleg konferanse	1 600 000
Fjellsporting	2 500 000
Fast ekspertpanel	900 000
Prosjektleiing og -stab	2 300 000
Ymse kostnadar	700 000
SUM	8 000 000

KRD gir eit tilskot som er mindre enn omsøkt beløp. Inntil 1 600 000 kroner av tilskotet er definert som bagatellmessig støtte (sjå avsnittet nedanfor om forholdet til EØS-regelverk). I tillegg gjev departementet inntil 300 000 kroner til budsjettposten "Fast ekspertpanel". Departementet legg til grunn at kostnadene til ekspertpanelet bare dekker utgifter til dette panelet samt at ekspertpanelet sin deltaking i prosjektet vil vere open og noko ålmenta får ta del i, slik at det ikkje gjev ein fordel til prosjekteigar (ikkjeselektiv). Departementet meiner såleis at støtta til fast ekspertpanel i prosjektet ikkje reknast som offentleg støtte.

Sidan tilskotet er mindre enn omsøkt beløp ber vi om at Bratt moro AS sender inn revidert budsjett, finansierings- og framdriftsplan, i samband med stadfestinga på at tilskotet tas imot på dei vilkåra som er gitt. Frist for dette er 20. november 2011. Revidert budsjett og finansieringsplan må vere i samsvar med reglane for bagatellmessig støtte.

Vi gjer merksam på at midlar over kap 552.72 ikkje kan nyttast til investeringar i bygningar eller anna fysisk infrastruktur. Tilskotet skal som hovudregel ikkje nyttast til investeringar i utstyr. Unntaket er mindre investeringar som er avgjerande for gjennomføringa av aktiviteten. Tilskot til utstyr skal normalt ikkje overstige 10 pst. av prosjektkostnadane. Sjå retningslinjer for posten på www.regjeringen.no/krd/retningslinjer.

Forholdet til EØS-regelverk

Tildelinga av støtte skjer i samsvar med reglane for bagatellmessig støtte, jf. Kommisjonsforordning (EF) nr 1998/2006 av 15.12.2006 om anvendelse av EF-traktatens artikkel 87 og 88 på bagatellmessig støtte, publisert i den Europeiske Unions tidende 28.12.2006 nr L 379. I følgje desse reglane kan tilskotsmottakar ikkje ta imot meir enn til saman 200 000 euro (om lag 1,6 mill. kroner) over eit tidsrom på tre rekneskapsår. Tilbodet om støtte frå KRD føreset at ein ikkje kjem i konflikt med

nemnde reglar. Før støtta kan utbetalast må tilskotsmottakar stadfeste, skriftleg eller elektronisk, anten at det ikkje er motteke tilbod om anna bagatellmessig støtte i inneverande og dei to føregåande rekneskapsår, eller i tilfelle slik støtte er motteke, størrelse på beløpet, støttekjelde og tilbodstidspunkt. Ved eventuelle nye søknadar om offentlig støtte, uansett støttekjelde, har tilskotsmottakar plikt til å opplyse om denne støtta. Opplysningsplikta gjeld i tre rekneskapsår frå tilbodstidspunktet.

Vilkår for utbetaling av midlar:

1. Bratt moro AS må innan 20. november 2011 stadfeste overfor departementet at det er aktuelt å gjennomføre prosjektet, og at tilskottet vert motteke på vilkåra i dette brevet. Prosjektarbeidet må ikkje settast i gang før den samla finansieringa er på plass. Tilbakemeldinga til departementet må òg innehalde opplysningar om kva kontonummer pengane skal overførast til.
2. Tilbodet om støtte frå KRD føreset at ein ikkje kjem i konflikt med reglane for bagatellmessig støtte. Før støtta kan utbetalast må tilskotsmottakar stadfeste, skriftleg eller elektronisk, anten at det ikkje er motteke tilbod om anna bagatellmessig støtte i inneverande og dei to føregåande rekneskapsår, eller i tilfelle slik støtte er motteke, størrelse på beløpet, støttekjelde og tilbodstidspunkt. Ved eventuelle nye søknadar om offentlig støtte, uansett støttekjelde, har tilskotsmottakar plikt til å opplyse om denne støtta. Opplysningsplikta gjeld i tre rekneskapsår frå tilbodstidspunktet.
3. Prosjektet kan gjere mindre omprioriteringar og justeringar dersom dette er gunstig for å nå måla i prosjektet. Større endringar, som medfører endringar i prosjektet sitt totale budsjett, må godkjennast av departementet.
4. Det skal førast spesifisert rekneskap for arbeidet. Rekneskapen skal settast opp slik at utgiftene kan samanliknast med kostnadsoverslaget som ligg til grunn for tilskottet. Dersom arbeidet ikkje blir utført i omfanget de har skildra i søknaden, eller til dei kostnader de har gitt opp i søknaden, vil departementet redusere tilskottet tilsvarande. Tilskotsmidlar som departementet har utbetalt kan òg bli kravd tilbakebetalt, heilt eller delvis. Rekneskapsmaterialet skal oppbevarast i 10 år.
5. Riksrevisjonen, Kommunal- og regionaldepartementet eller dei departementet gir mynde, kan krevje informasjon frå tilskottsmottakar og sette i verk kontroll med at midlane vert nytta etter føresetnadene. Dette er i samsvar med Løyvingsreglementets § 10 og Lov om Riksrevisjonen § 12. Tilskottsmottakarar har plikt til å gje opp dei opplysningane som Riksrevisjonen, departementet eller andre som departementet har delegert kontrollmynde til, forlanger.

Rapportering og kontroll

Læring og erfaringsoverføring er eit sentralt mål for bulystsatsinga. Difor ber vi dykk leggje vekt på god rapportering av prosjektarbeidet, både undervegs og med ein eigen sluttrapport.

Alle prosjekt som får støtte skal sende inn ein årleg rapport til departementet. Denne skal innehalde omtale av aktivitetar og tiltak, og gjere greie for eventuelle justeringar av prosjektplanen, både når det gjeld framdrift og aktivitetar. Sjå vedlagde rapporteringsskjema. Vi ber om at den første, årlege rapporten vert sendt til departementet seinast 24. april 2012. De finn eit eige rapporteringsskjema som skal nyttast til rapporteringa på www.regjeringen.no/bolyst. Papirkopi av skjemaet er òg lagt ved dette brevet.

Utbetaling

For å få midlar må prosjekteigar be KRD om å gjere ei utbetaling (utbetalingsoppmoding).

Utbetalinga blir som hovudregel gjort i tre omgangar.

1. Departementet *kan* utbetale inntil 25 pst. av tilskottet når prosjekteigar har akseptert vilkåra i dette brevet, og arbeidet har starta opp (førehandsutbetaling).
2. Når departementet har motteke dokumentasjon av faktiske utgifter, vert inntil 50 pst. av det samla tilskottet utbetalt (etterskottsutbetaling). Dokumentasjon av utgifter bør følgje den årlege rapporteringa.
3. Den siste delen av tilskotet skal utbetalast når prosjektaktiviteten er fullført, og sluttrapport og eventuell revisorstadfesta rekneskap (sjå punkt 5) er sendt inn (etterskottsutbetaling).
4. Alle prosjekt skal levere sluttrapport og prosjektrekneskap.
5. I tillegg skal revisorstadfeste rekneskap leverast av:
 - a) Private tilskottsmottakarar som tek imot meir enn 100 000 kroner, jf. RS 800 Revisors uttale ved revisjonsoppdrag med spesielle føremål.
 - b) Offentlege tilskottsmottakarar som tek imot meir enn 400 000 kroner, jf. RS 800 Revisor sine uttaler ved revisjonsoppdrag med spesielle føremål.
6. Tilskotet er gyldig i tilsagnsåret, og dei to påfølgjande åra. Prosjektet må vere avslutta slik at siste utbetaling frå departementet kan gjerast seinast innan utgangen av 2013. Utbetalingsoppmoding må sendast til departementet innan 1. desember 2013.
7. Prosjekteigar har ansvar på vegne av prosjektdeltakarane. Dette gjeld òg det finansielle ansvaret.


Ved kontakt med departementet om utbetaling må tilsegnnummeret som står øvst i dette brevet nyttast. Ved utbetaling av midlar er dette nummeret gitt på utbetalingsblanketten.

Kommunal- og regionaldepartementet ber om at følgjande opplysningar blir sende til postmottal@lrd.dep.no:

- Stadfesting på at prosjektet vert gjennomført og på at medfinansiering er på plass
- Revidert budsjett, finansierings- og framdriftsplan
- Behov for eventuell førehandsutbetaling
- Kontonummer og oppmodingar om utbetalningar (sjå under "Utbetaling").
- Ved store endringar i prosjektet: Ny framdriftsplan
- Årleg rapport (innan 24. april kvart år)
- Ved prosjektslutt: Sluttrapport og rekneskap i tråd med retningslinene over.

Kommunal- og regionaldepartementet ønskjer dykk lykke til med prosjektet.

Med helsing


Gerd Slinning e.f.
avdelingsdirektør


Kari R. Theting
rådgjevar

Vedlegg:

Rettleiar i lokal samfunnsutvikling
Rapporterings skjema for bulyst

Kopi til:

Distriktssenteret - Kompetansesenter for distriktutvikling
Plan- og administrasjonsavdelingen
Riksrevisjonen
Sogn og Fjordane fylkeskommune
Sogndal kommune